

當陽縣志

當陽縣志卷十二

人物志上

宦蹟

仕宦之著稱非一端而  
旂常勒金石次者綰綬  
皆能興造利澤遏絕弊  
其次得博士官率諸生  
行此皆可以垂聲竹策



炳 至 又 名 先

哲雖宦轍區分咸彬彬乎質有其文萃而錄之

當陽縣志

卷十二

人物


宦蹟

一

使前者勿替後者是倣誠激勸之大者作宦蹟  
傳

梁

鄧元起字仲居少有膽幹膂  
里年少多附之為槐里令遷  
陽馬榮緣江寇鈔率衆討平  
魏軍逼義陽自郡援焉蠻帥



鄉 西 末 銳

卒攻之頻陷六城餘悉散去仍戍三關為平南中兵  
參軍事每戰必捷勇冠當時敢死之士樂為用命者

萬有餘人義師起蕭穎胄與書招之部曲多勸其還郢元起大言於衆曰朝廷暴虐誅戮宰臣羣小用命衣冠道盡荆襄二州同舉大事何患不剋且我老母在西豈容背本若事不成政受戮昏朝幸免不孝之罪即日治嚴上道至江陵爲西中郎中兵參軍加冠軍將軍與高祖會於夏口和帝即位授假節冠軍將軍平越中郎將廣川刺史遷給事黃門侍郎中興元年以本號爲益州刺史仍爲前軍先定尋陽進至京邑建康城平進號征虜將軍天監初封當陽縣侯進

號左將軍刺史如故元起圍成都高祖赦劉季連罪即日開城納元起送季連於京師元起之克季連也城內財寶無所私勤恤民事口不論財色性本能飲酒至一斛不亂及是絕之蜀土翕然稱之元起在荊州時與庾萑不平大軍至京師萑在城內甚懼及城平元起先遣迎萑因厚遺之少時又嘗至其西沮田舍有沙門造之乞元起問田人曰有稻幾何對曰二十斛悉以施之時人稱其有大度元起之至巴東聞蜀亂使蔣光濟筮之遇蹇喟然歎曰吾豈鄧艾而及

此乎後果如筮子鏗嗣

元

張灝至正中以材德舉任江西道廉訪使振揚風紀  
名震一時

明

李讓永樂壬辰進士性端恪躬自砥礪初授大理寺  
評事歷廣東右參議居官清慎有治聲卒於官

姚廷用字舜卿由監生授四川嘉定州同知時守尙  
嚴刻廷用以慈和濟之遷衛輝府通判卒於皖城佐

當陽縣志

卷十二 人物

宦蹟

三

州六載民甚德之

姚會字文甫廷用孫少耽學性孝親疾輒侍立不寐  
無倦色嘉靖己酉舉人授四川嘉定州教諭卽祖廷  
用舊治士民多敬愛遷南溪知縣有善政將奏績時  
有大宦歸里吏白故事當執手版會怒拂衣歸士民  
思其德爲立祠尸祝之

聶武字仁卿隆慶丁卯舉人任陝西富平知縣不避  
強禦發摘如神有僧匿婦人經年無問者武廉得其  
狀置之法火其居一邑稱快後以不能阿上官遂告

歸家居散禮讓好施與里人重之  
葛希賢字子良少工文年十四入鄉闈納卷時方伯  
見其幼奇之覽卷大驚賞既入彀填榜方伯不覺喜  
溢曰葛生獲雋矣主者引嫌罷去相顧歎惋而已萬  
厯間以歲貢授浙江紹興通判斷事明決上虞民有  
殺人應抵者親識懷金爲其地賢怫然曰人命至重  
鬼神難欺汝將墨吏我耶其人慚而退會上官某索  
賂於屬賢持不可曰嚇我者此官耳吾安往而不得  
乃拂衣歸弟希俊秀水縣丞亦廉平有聲

當陽縣志

卷十二

人物

官蹟

四

李應麟字振公萬厯乙酉以選貢中順天鄉試性高  
介絕跡公府初任四川井鹽縣知縣清廉有惠政遷  
鎮甯知州卒於官貧無以殮

馮世廉字淡如貢生任浙江仁和縣丞有幹濟才疑  
獄一讞立決甫滿歲即告歸優游林下二十年

吳九思字石泉以歲貢司訓萬岡俸入輒以資寒畯  
諸生鄒之易赤貧失偶九思助資爲之娶後之易成  
進士授合江令有士董翼者貧甚亦厚遇之及翼登  
第九思卒翼親拜其墓涕泣甚哀

史希楚字景猗選貢歷知莘縣敦俗勸學以德讓爲  
先後致仕歸里掃軌杜門吟誦不輟

梁國相字調元歲貢司訓萍鄉陞彭澤諭平易近人  
士林推重致仕歸里中後進多被其薰陶事繼母以  
孝聞卒年八十餘子焜燿皆有聲庠序孫山金甯國  
令

國朝

陳其美字公彥性孝友溺苦於學登順治壬辰進士  
司李浙江處州治尙清靜決獄多所平反分校秋闈

當陽縣志

卷十二

人物

宦蹟

五

稱得士年五十五卒於官櫬歸惟圖書數卷而已

以上

舊志

楊州彥字倩公一字宣樓少有才思援筆成文年十  
五補諸生中順治辛卯舉人已亥成進士西郡觀察  
王公辛卯主司也會大軍入山剿餘賊須材木構營  
房檄當邑發民夫運至郡彥力陳其不便詞甚切直  
觀察益器之時軍需繁重邑歲至四千餘金彥商摧  
調劑省五之四民困以蘇丁未補任邱令明年河北  
大饑彥籍戶口上之大府家給米二鬴口多者倍之

全活以萬計北地火耗故重每兩至二錢五分彥悉除之絲毫無所取後以疎節忤上官思中傷之任邱糧額不滿萬而誣以取耗二千五百胥吏被逮不勝其酷死者四人無一誣服者罷官歸復坐追償南馬價產爲之盡彥性瀟灑一令雅非所堪嗜酒能詩尤工書法取古詩自漢魏及唐日誦數十首論析微芒手訂至數萬言年八十卒著有澹園詩文集

郭祺賢明孝廉之都子少通六經長工制藝康熙乙卯拔貢居家敢孝友和平接物閭里比之陳太邱後

當陽縣志

卷十二 人物

宦蹟

六

授雲夢教諭其課士先德行而後文藝在官十載作育甚多解組日諸生祖餞有感泣者子二長孫俊有傳次孫偉廩生

梁山金貢生授甯國令多惠政士民懷之子梁星司訓崇陽以實行課士多所造就自鬻其產捐修本邑學宮上憲嘉之嗜吟詠有種梅軒草妻齊氏亦工詩郭孫俊字甸方一字章菴中雍正丙午解元庚戌成進士授刑部山東福建清吏司主事改授江西都昌知縣旋調安福署吉安分防府事所至以治稱性恬

淡解組後嘯詠林泉游心經術爨煙屢虛泊如也鄉里薰其德而善良者多彷彿邵康節居洛時晚年主講迴峰書院出其門者皆知名士邑令衛蘭町贈以聯云渾金璞玉人之望霽月光風土所師所著有涉趣園詩卒年八十一子天問明經

宋楚望字荆川一字恆齋雍正己酉解元登癸丑進士初宰句容教民種桑勤耕織調丹徒令歲饑賑貸單騎歷窮鄉察奸豪民得實惠嘗手注

聖諭十六條爲俚語使民易曉擢海州知州調太倉州請

當陽縣志

卷十二

人物

官蹟

七

帑築海塘六十餘里民便之升知府奉檄查揚州水道時河道久塞累疏無效望往視旬日得其要領河督高公上其議奉

詔報可遂疏舊海口去其壅諸水果達海授常州府有政聲以親老乞歸養親沒終制適莊公容可自吳來撫楚重其才檄府促之仕署松江府數月案無留牘吏畏民懷境內大治調徐州府兼權淮徐道以年老乞致仕其留別詩有三章乞得老身閒之句士民攀轅祖帳幾半江南既歸杖履自適事繼母以孝聞朔望

必跪拜年八十執母喪哭泣躃踊弔者莫不感泣畢  
秋帆尙書時方撫陝千里歸賻誄以召杜遺思畢公  
名沅望牧太倉時所器識也生平有人禽分途戒淫  
等書人爭誦之蘇撫陳公宏謀爲作序付梓

金秉祚字琢齋雍正己酉拔貢授知縣補興化縣是  
歲淮揚大饑故事賑貸戶口分極貧次貧而次者常  
多祚獨籍極貧戶八萬餘口太府斬之檄道府往控  
汰僚佐幕客咸勸更籍免呵斥祚持不可抗言減貸  
民且立餓死情詞慷慨取所懷印置案上曰願罷歸

當陽縣志

卷十二

人物

宦蹟

八

不忍見此土人枕籍道上也道府無以奪卒如所籍  
調吳縣再調山陽山陽積歉地祚撤監員罷告訐嚴  
印記定里居敘次第經緯詳具以治行卓異擢邳州  
知州未幾升徐州知府徐州累歲災潦較淮揚尤甚  
祚浚蕭縣廟橋朔里等河開碭山義興永定諸渠通  
銅山塞河一百二十里濬范家窪蔡家莊引河入道  
百姓稱便嗣因河決銅山鏡內去官

詔仍留江南署潁州知府治如徐州卒於山陽寓館士大

夫吏民皆爲之涕泣

見通志

嚴岱字魯山一字惺齋性誠慤嗜學寒暑不輟致忘寢食爲文一準先正丙子選鄖西訓導卒於官櫬歸里諸生歸賻遮道泣送

林可法字行思一字恬菴雍正乙卯拔貢赴

廷試肄業太學大司寇總理監事合河孫嘉淦稱其器宇深厚學有淵源拔魁多士中辛酉舉人丙戌選粵東知縣奉檄查海上鹽艘及瀕海編戶積貯署澳門同知授仁化令歲旱設法撫卹歷窮鄉問民疾苦多所全活盜賊爲民害者悉除之境內肅然藩司歐公

當陽縣志

卷十二 人物

宦蹟

九

手書循良額以獎之在官三年移疾歸性端嚴然喜接引後進所著詩文人爭誦之子孫皆有聲庠序能以勤儉世其家

趙瑄字璧六一字介菴邑庠趙良貴之四子兄弟十人孝友無間言少能文弱冠補諸生授徒於鄉出其門者多列庠序以歲貢授南漳訓導品行端潔表率儒林其遊荆足亭詩云懷璧誠有罪一獻亦已可胡不衛其足愚哉物喪我解組歸卒年八十一鄭宗仁字蘭亭力學篤行清苦自勵受知於邑令衛

蘭汀以歲貢授監利訓導成就人才甚多卒於任衛  
蘭汀助之資扶襯乃得歸 以上續舊志

徐開裕字雨臣嘉慶辛酉拔貢充

武英殿校錄報滿議敘教職授巴東教諭巴東舊無書  
院自此勅建裕實贊成之顏曰信陵書院受聘主講  
席諸生從遊者衆裕爲之立條規端士習不徒以文  
藝爲先而文學亦蒸蒸日上士林益德之既歸授徒  
於家杜門讀書歷寒暑罔間年八十猶能燈下作小  
楷其書法亦老而彌工卒年八十二著有覺是山房

當陽縣志

卷十二 人物 宦蹟

十

文集

徐文翰字西林邑諸生嘉慶九年遵例就知縣職分  
發山西歷署十三縣及岢嵐州補岳陽縣性廉而惠  
以愛民爲本興縣士民爲立德政碑去臨晉時民遮  
道留一鞞以誌遺愛餘俱有循聲山西巡撫恆公稱  
爲循良最以勤勞卒於官襯歸時士民夾道焚香數  
十里有感泣者

樊兆瑞字寶林忠義樊安邦次子中嘉慶丙子武舉  
授宜都營羊角洲千總洲介大江中爲盜賊出沒之

地道光初特設汛員資彈壓瑞有勇略以除莠安良  
爲己任莅任後再擒巨盜傾其巢穴上下百餘里江  
面賴以肅清俸滿奉文

陞見擢守備回任候補以勞疾卒於官裔民思之

岳生璧忠義岳士甲子以世襲補撫標千總道光二  
十九年選廣東督標守備明年帶兵剿賊廣西多所  
斬獲又奉調回廣東羅定州協剿凌匪屢立戰功咸  
豐元年以勞疾卒於軍事聞奉

旨賜襲以八品監生子鳳鳴承襲所遺雲騎尉世襲長子

當陽縣志

卷十二 人物

宦蹟

十一

鳳翔嗣

孝友

古者取士以六行而孝居其首漢世因之設科舉孝史家列傳於是有孝友之目大抵得成周遺意云夷考邑中人行應順德者亦何衆也不惟搢紳先生與讀書士君子即閭閻小民其綢繆於毛裏顧復者雖值饑寒鋒鏑曾未少渝夫非風氣真樸天性肫摯發於不可遏之明驗與吁可尙也已彙次之爲人倫儀表作孝友傳

明

當陽縣志

卷十二 人物

孝友

十二

游龍飛邑人事母以孝聞人呼爲游孝子母有病割股奉之邑令旌其門曰純孝

歐陽琦字獻修文忠公之裔祖希德自廬陵宦荊州因家當陽琦幼聰穎年十四餼邑庠宏治中膺歲薦或諷以仕琦曰吾有老母以祿養不若以色養也與弟珩朝夕膝下孝友之聲騰遠近晚年尤嗜學年八十有四自題墓碑而卒

國朝

郭毓賢邑庠生乙酉避寇以死免父難事詳藝文志

郭氏孝子節婦烈女合傳

林大倫字序五邑庠生四歲父歿晝夜哀號若成人宗族咸異之及舅奪母志就傅外家稍長嗜學能自樹立弱冠入黌序有文名因少失怙終身布衣蔬食月必展墓歲時頻省問若不忍暫離膝下者母歿私服三年大司成孫公嘉淦稱其孝行如徐仲車云子四可傳庠生可法登辛酉賢書可道廩生

朱康雪邑庠生性至孝父歿哀毀過禮廬墓三年空山中時聞虎哮處之泰然啜蔬食淡三年如一日時

當陽縣志

卷十二

人物

孝友

十三

人或饋餉悉拒而不納

羅開斌邑合溶人母歿父守義不再娶斌抱痛益深躬侍父寢不入內者三十餘年父卒哀毀骨立前邑令周表其門曰孝行可風

以上舊志

陳應倫邑農民母李氏孀居三十六年年七十二久病不愈展轉床褥倫割股和粥以奉母病輒愈前令李獎勵之詳准上憲爲立孝子碑

張明詩邑鴻橋人幼失生母終身事嫡母無間言母齒脫詩日備糜糊親食母母卧病鄰遭火災幾及寢

室詩呼天號泣風回火退得無恙鄉曲以爲孝行所感云

沈集皋邑明經居大蓮總幼失恃事繼母如所生家塾距所居數里晨昏必歸省年逾七十猶手抄經義及史記數十篇以課子孫出其門下者甚衆及親沒飲食必泣奠三年不見齒一鄉歎服年八十三自營葬地忽一日正襟危坐朗誦孝經數遍而卒

周次韓邑小蓮總人父性嚴韓受杖怡然母老無齒飲食必親奉冬溫夏清無倦容嘗負母出周覽田園

當陽縣志

卷十二

人物

孝友

十四

以爲樂及居喪哀毀骨立葬祭皆以禮卒年八十四張塘邑庠生家素貧竭力供甘旨父病噎或日一飯塘亦一飯若數日不食塘不忍獨食也父卒事母尤謹鄉里慕之

王國器邑官墻總人五歲失恃八歲失怙繼母教之力學弱冠入邑庠追念劬勞之恩猶廬墓三年以酬厥志其事繼母甚謹生養死葬皆盡其禮云

以上續舊志

王國鼎官墻人性孝友父母有疾左右奉養常背負以行兄素愚而事之益謹析產後撫兄子如己子衣

食必量給之及卒猶以友于勸其子焉

任之昇邑人居官墻總父早卒母復多病昇竭力奉養湯藥必親嘗衾褥必親浣其婦不得代之也其弟病疫方劇家人多避之昇往調治與同寢處卒無恙生平儉於自奉有餘輒周貧乏鄰里賴之

楊民遠官墻總人年十四喪母其父有疾至老益劇不能起居者二十年家素貧遠勤耕作與妻馮氏日食饘粥以甘旨供其父晚年家漸裕子孫相繼列膠庠能以孝友世其家

當陽縣志

卷十二

人物

孝友

十五

嚴世寬官墻人未讀書而篤於孝家赤貧每冬寒晨起衣母衣以溫之俟母起乃以溫衣衣母數十年以爲常母年八十卒寬卒亦年八十餘

張文彥邑庠生父開佐明經有傳父沒事母尤謹年既壯猶受杖責母若提其耳輒俯首就之其順親類如此性廉正爲人排難常得其平同里莫不敬服曹思闇字克剛嘉慶三年陝匪入境闇負瞽母避亂山谷中鄰里隨行者甚衆賊搜至積薪於門將火之火忽自滅賊舍之去人以爲孝行之報初闇居父喪

甚哀晝侍瞽母飲食衣服必親奉之夜俟母就寢潛趨父墓三年無異及母卒廬墓亦三年平日睦鄉鄰周貧乏猶其餘事焉學使王給篤行貽庥額以獎之卒年九十

盧秉鈺邑明經 旌表節婦盧牟氏之子也教匪之亂母以年老誓死鈺率子弟泣請乃背負詣方山率居民就山立寨全活者以萬計後以功給五品銜固辭不受士林重之

馮天盛邑人居週二總家素貧而事親能竭其力嘉

當陽縣志

卷十二

人物

孝友

十六

慶三年川匪入境居民皆引避盛從父母走數里遇險輒背負以行至得勝山回顧適見賊父母揮盛使避去盛不忍父母欲墮崖死盛泣挽之伏大石間計惟有代親一死耳未幾賊騎至若爲弗見也者而過之既免人以爲孝行之報盛勤於耕作妻劉氏稱賢助自此家漸裕以甘旨奉高堂有餘則濟貧之無吝色鄉里稱善人卒年八十六以孫凌霄例職 貽贈奉直大夫妻宜人見壽母傳

盧秉科邑介賓持身端正篤於天倫其事親飲食起

居必躬奉之數十年如一日嘗赴戚友家歸時河大漲行人皆阻科百計覓渡夜半得歸其須臾不忘其親如此

盧先佐邑人親老令佐與兄析居分日供膳未幾兄漸貧佐獨養其親竭力供甘旨有餘則以奉其兄其篤於天倫如此里黨以爲賢

李億貴邑耆民其事親先意承志母年近九十飲食起居必親奉之昆季七人已晰居遇婚嫁事必量加飲助未嘗分畛域母亦顧而樂之子萬瞻監生慷慨

當陽縣志

卷十二

人物

孝友

十七

重義氣不墜先型爲同里所敬服

劉士純邑人事親以孝聞母病湯藥罔效純焚香籲天自割其股和藥以奉母母病愈卒享遐齡人謂孝心所感

佟金鏞邑廩生幼嗜學孺慕性成道光六年漳水大漲舉家沒於河鏞遇救登岸聞其父母俱沒號泣赴水死學使王表其門曰孝勇懷清

李傳祖邑桑林人四歲失怙家貧母曾氏撫育至成立性樸訥讀書不遇棄而爲農竭力耕作以供甘旨

母教素嚴稍怒則長跪請命俟色霽乃起每出見蔬  
果有時新者必攜歸先以奉母孺慕之忱老而彌篤  
也卒年七十八子南金邑庠

鄭廷順邑人幼失恃父朝佐病啞弟廷槐尙幼家赤  
貧父子乞食於外至帽兒嶺父病且死順年十六負  
父屍行風雪中數日無容宿者夜則相守而泣凍餒  
幾死比至家手足皆裂觀者爲之流涕

國永德邑農人未讀書而篤於孝母老而性嚴偶因  
他事盛怒德必婉言慰之不從則長跪請命俟顏霽

當陽縣志

卷十二

人物

孝友

十八

乃起鄉里賢之

忠義

嗟乎人誰不死或腐同草木或光爭日月豈非志士仁人尤爲難能可貴哉邑人士抗節致忠於前代者書闕有間矣自勝國至我朝乃最著地隘而衝頻有流寇邪教之亂其禍最深然邦之人往往援旗誓衆與賊酣鬪幸者村砦賴以保全不幸則裂軀湛族不返顧即單羸寡弱亦奮其空拳必死爲期恥爲降虜嗟乎殺身舍生可以作懦夫之氣高烈士之風者矣連

當陽縣志

卷十二

人物

忠義

十九

綴比次無俾湮沒作忠義傳

明

熊穎捷字非熊崇禎丁卯舉人署江陵教諭崇禎末闖賊屯襄陽捷入遠安鳴鳳山與都司方應新據險協守賊環攻之砦將潰遺書與兄曰朝廷不忍負祖宗何可辱投崖死入祀邑忠義祠

王鎬字世求崇禎丙子舉人主司吳偉業奇其文癸未闖賊屯襄僞徵下不應僞令械之去至涪溪市鎬餉解者酒乘醉遁南漳山寺僞令索之急親屬皆逮

繫鎬聞拍案大呼氣遂絕

聶登衢字瞿行少穎悟年十九補弟子員每試輒冠軍闖逆僞辟至僞令強之衢痛哭髡其髮自號江籬和尚

金大赤字大純以明經歷任甯州華容教諭素以孝著年七十致仕母周氏年九十三崇禎甲戌城陷賊欲刃其母赤詈賊與母及子鑰俱死焉入忠義祠陶鑄及其弟陶冶邑人甲戌城陷俱被執不屈兄弟爭死賊兩殺之入忠義祠

以上舊志

當陽縣志

卷十二 人物

忠義

二十

國朝

邱聯桂邑武生少有膽氣尤明大義嘉慶元年教匪先聚東門外楊啟瑞家謀不軌桂聞之挺身往喻以禍福語侵賊賊攢刺死即瘞於死所歲庚午邑令蔣遇春爲葺其墓立石以表之

熊經鹿一名映鑣字斷山性孝友持身高潔與兄經壁同入邑庠食廩餼授徒於家從遊者衆嘉慶丙辰之難賊入城肆殺見士林有聲望者必屈辱之鹿知不免先令其次女自盡招所善汪聖瑞痛飲徹夜約

與授命次日投魚池中死其徒張致青爲作家傳載  
藝文志

汪聖瑞字不齋性聰穎出語必解人頤吉茄慶丙辰城  
陷自投後園汙池中死姪孫天相亦以刃自刎死池  
邊

汪希夔聖瑞再從姪也與戶書賀國柎友善及城陷  
夔詣國柎痛飲相持而哭旋同縊於賀宅

賀國柎邑戶書少讀書艱於遇棄而爲吏性拓落嗜  
酒及城陷與汪希夔痛飲自縊死

當陽縣志

卷十二 人物

忠義

二十一

張鴻鑑字沼亭少聰穎屢困童子試嘉慶丙辰城陷  
鑑同其繼母程氏姊節婦席張氏弟婦胡氏朱氏黃  
氏皆自縊時稱爲一門忠烈其母以下入節烈傳  
李學淵邑人少任俠能濟人之急嘉慶丙辰城陷淵  
懸綆於城縋居民以出之所全活甚衆未幾賊覺執  
淵淵憤極大罵賊支解之  
李焯邑耆民以忠厚世其家嘉慶丙辰城陷焯恐見  
辱與其嫂胡氏姪應台先後自縊死  
羅啟鰲字鶴亭邑明經選應山教諭因病不能之官

嘉慶丙辰城陷鰲杜門數日鬱鬱不食死  
趙師彥紫蓋總民人 旌表烈婦王氏之夫性醞謹  
貧無以自給單身入城爲儒學齋夫及城陷彥誓不  
辱自縊於席國正之宅  
楊達天字磊軒性聰穎喜交遊能赴人之急一鄉稱  
之嘉慶丙辰城陷達與賊辯論順逆語侵賊尋遇害  
其子永芳永華從死芳一名蘭幼嗜學工制藝屢困  
童子試及從父殉難聞者憐之

余國枏字琢山乾隆乙卯副貢家世業儒枏尤嗜學

當陽縣志

卷十二

人物

忠義

二十二

重義氣嘉慶元年教匪陷城枏團於鄉得數百人三  
月初六日輸米詣行營且願助戰大帥義之會賊開  
東門拒戰官兵右移枏與數人陷賊中被執入城枏  
知不免乘醉罵賊賊怒搜其鞞中得所團鄉勇名冊  
乃殺之解其尸投諸城外同時死者文生郭其香監  
生余瑾思思枏之從父也其餘數人今失傳  
郭其香字琴亭邑諸生嘉慶丙辰之難香同副貢余  
國枏等領鄉勇赴行營賊突出掠入城香誓不屈與  
枏等同遇害

余瑾思字懷玉邑監生嘉慶丙辰夏同副貢余國枏等領鄉勇赴行營爲賊所掠同遇害

張龍熙邑諸生嘉慶丙辰熙督鄉勇守卡東南繼以其衆攻城中砲死

謝方升字羲池邑廩生居週二總好學能文尤工書法體素弱而義氣激昂頗有立功之志嘉慶丙辰教匪據城升率鄉勇効力行營嘗單騎至城下反覆譬以禍福賊不從繼隨官兵攻城爲士卒先屢厄於石矢大帥以重賞募壯士救升乃得免時官兵新集幕當陽縣志

卷十二

人物

忠義

二十三

府需才文移往來多出升手以功給六品頂戴五月以勞瘁卒於軍

岳士甲邑人居沙溪總性誠篤膂力過人嘉慶元年率鄉勇隨營剿賊屢立戰功大帥特獎勵之稱爲奮勇最常身先登城投火毬於百步之外燒殺賊甚衆以功授行營千總加五品銜六月初八日復登城殺賊焚賊棚砲臺賊攢矛刺之重傷死事聞奉

旨照守備例議卹給予雲騎尉世職子生璧承襲

張有道邑人嘉慶元年充鄉勇隨營攻賊擒獲賊目

周顯組等以功授行營外委乘間入城謀爲內應事洩賊支解之大帥奏其功奉

旨給與雲騎尉世職

劉國隆邑人嘉慶初充鄉勇攻城嘗負土築砲臺不避石矢爲賊砲所斃

汪炳珍邑人居呼兒總嘉慶二年領鄉勇千餘人堵賊於土地嶺賊由鄖陽山中竄出力爭此險鄉勇失利死傷殆盡珍被數十創猶拒險力戰及被執噴血罵賊遇害甚慘入祀荆門昭忠祠同時死者甚衆列

當陽縣志

卷十二

人物

忠義

二十四

名於後

杜啟瑞邑海堰人直而好義嘉慶二年堵賊於土地嶺戰沒入祀荆門昭忠祠

魏宗約滋泥總保正性勇敢好奇節言里中事甚公嘉慶初教匪蜂起同里有王某者兄弟皆賊目也嘗夜詣約誘以白蓮之術約怒縛送於邑邑令宥而釋之未幾城陷於賊王某者糾其黨將應之約團於鄉得數百人直入賊穴殲旃一鄉獲安約之力也三年春川匪入境所過焦土河溶巡檢夏永謙聞約名延

至公廨與商防守約慨然曰諾迺以其義勇赴溶衆數百人會官兵失利賊冒其旗幟號衣晨趨溶巡檢以爲官兵也迎於道左尋遇害賊入溶肆殺一市鼎沸約衆方食倉卒不能軍死者大半約獨遇賊於賀家園賊以數十騎圍之約奪賊稍殺十餘賊餘賊引退約憊甚移時而死其子往收其骨猶身無寸傷云張朝鼎字筠茂邑人居滋泥總性慷慨矜尙氣節嘉慶初充鄉勇搜賊黨於鄉多所斬獲三年春偕魏宗約應募守河溶詰朝賊猝至巡檢遇害鄉勇不支鼎

當陽縣志

卷十二

人物

忠義

二十五

陷圍中其族弟朝全拽鼎與俱去鼎奮然曰走而死孰若戰而死吾知不濟要當殺賊而死死無恨全既去遙望鼎格殺數賊尋遇害其子宏遠號泣而往不獲其屍乃招魂以葬

陶學孔邑諸生嘉慶三年爲賊所掠脅之使降孔抗節不屈賊支解之妻詹氏節婦子玉薰邑庠袁志道邑增生居腳東總嘉慶三年川匪入境道舉家避林中賊搜得之欲掠以去道厲聲曰吾讀聖賢書豈覩顏從賊者賊怒殺之一家七人同遇害一子

甫四齡得免

傅行桂邑庠生家赤貧居窟中讀書不輟嘉慶三年賊掩至桂正坐罵賊與妻王氏同遇害子大彥以身蔽父受傷幾徧絕而復蘇後十餘日里人爲殮其屍見桂正氣凜然面如生

羅文彬邑人嘉慶初教匪之變彬率丁壯籌防堵一鄉賴之三年賊大至執彬以刃脅之彬引領受刃至死無懼色年八十四聞者壯之

樊安邦字聞信邑武生性沈毅嫻於騎射嘉慶初率

當陽縣志

卷十二

人物

忠義

二十六

鄉勇圖建樹以功授行營千總二年奉檄領本邑及

東湖宜都鄉勇守卡於宋家埡

東湖地

三載賊不敢犯

升守備職五年春陝匪竄羅爾坪各卡戒嚴二月二

十八日黎明天大霧咫尺莫辨賊冒霧繞出卡後卡

勇不支邦力戰死之同時死者六品頂戴武生張順

七品頂戴武生劉文祥監生王會元

一名純德

黃昌玉胡

在朝陳時光鄉勇死者以千數本邑可考者二百餘

人

名後

見邑令汪開雲上其狀奉文賞給葬祭銀有差

並入祀荆門昭忠祠

陳大有邑文童居普通總嘉慶初邑戶出一丁堵賊  
宋家埡大有代父赴卡五年二月賊大至同遇害  
許文學邑人嘉慶初充鄉勇守卡於宋家埡五年二  
月賊冒霧繞出卡後紳勇皆遇害學亦死  
黃義盛黃石總保正咸豐四年粵匪入境盛以鄉團  
邀擊於余家坂賊卒至盛衆未集身被七創猶奮臂  
呼殺賊移時而死

當陽縣志

卷十二 人物

忠義

二十七

附載嘉慶初年鄉勇陣亡姓名

馮錫佩

楊輝國

王士孔

費尙義

俱邑人

周

山 江西石工 人

右五名嘉慶元年二月在本邑乾溪總陣亡

汪炳紹

汪之周

汪炳慶

汪炳珍

汪炳光

汪炳禹

汪廷陞

汪士純

汪之香

汪長青

汪之秀

汪士立

汪坤時

汪 ~~穢~~

汪廷義

汪廷仁

汪炳福

汪士體

汪明倫

汪紹德

汪之士 汪士盛 汪炳煥 汪炳然

汪之睿 傅朝舉 傅天縱 傅啟官

汪士和 傅啟宇 傅天輔 傅啟鳳

汪之恆 汪廷全 傅朝耀 傅天榮

傅啟泰 傅朝緒 傅啟秀 傅天佑

傅貴英 傅朝青 羅應榜 田錦

劉宏才 劉珍 陳明澤 李啟明

胡敏舉 陳啟法 向應虎 向國星

向國明 陳邦輔 陳登秀 向國法

當陽縣志 卷十二 人物 忠義 二十八

劉之心 丁明治 王可宜 方大星

黃元仁 曾廷貴 方有才 劉宗明

傅貴明 熊甯士 熊遠安 黃國治

黃允吉 楊體 袁朱 向應胡

陳啟星 郭進 鄭可玉 周廷見

周宗禮 程宗早 謝盛魁 汪明梓

陳明安 何正山 毛允鳳 劉占先

劉奉先 何珍 胡士榮 習文鳳

宋珍 胡隆秋 王大榮 習光遠

汪炳貴 李中錦 杜啟錦 李啟哲

傅天桂 傅朝綱 汪炳信 曹玉章

劉曰升 左明珍 夏明典 朱其進

尙德柱 朱在廣 盧效志 李其萬

袁中明 向貴 盧秉仲 崔以德

周顯治 韓明綱 馮兆舉 代光臣

盧炳志 李大信 伍登舉 李名山

熊啟榮 左明玉 李明章 盧效仲

鄭金榜 周廷洛

當陽縣志 卷十二 人物 忠義 二十九

右一百二十六名嘉慶二年在本邑土地嶺陣亡

王相 孔子贊 段元 鄭元第

郭太文 謝賢光 楊宗福 劉承遂

謝進思

右九名在本邑土地岬陣亡

姜必祥 程天錫 許光緒 詹正常

毛之湖 劉正仁 關足義 余應理

胡敏士 盧秉謙 胡允錫 蔣文彬

葉天貴 易足清 涂朝畢 代廷華

關開來 涂國俊

右十八名嘉慶三年在本邑張王廟陣亡

文國燊生邑庠 余希明 張本乾滋泥人 鄭光謨滋泥人

右四名嘉慶三年河溶殉難者

潘光甸 奚大德 許顯功 蔣洪遠

梁必輝 翁士榮 周廷松 洪大國

宿應耀 尙萬太 石可文 丁在邦

施文朝 周俊璽 宋相 汪炳潛

魏啟倫 劉萬禮 宋友焦 汪潮

當陽縣志 卷十二 人物 忠義 三十

楊明相 余成 齊之盛 羅國元

劉士學 王正升 鄒宋木 鄭君富

田良相 黃必富 艾純義 傅明遠

金日聖 張朝珍 梁應舉 向應順

劉國點 李允萬 熊澤玉 陳士寬

朱啟典 蕭學堯 翁國璽 周加官

沈明哲 洪大倫 胡寅 余連虎

陳以進 金鳳林 史開周 鄭文桂

右五十二名嘉慶三年在本邑河溶鎮隨同荊州

副都統海陣亡

劉方太 趙廷恕 汪文全 黃茂清

謝起鳳 匡金貴 羅國太 廖珍

王開禮 饒于龍 王開義 代盛傳

朱文邦 羅士富 王學進 張在宏

雷勝宗 車允茂 李時鳳 王在富

朱文林 李志學 熊士祥 王文秀

劉先考 周道正 謝汝松 黃一甲

牛大常 黃文榜 雷天輝 楊宗樂

當陽縣志 卷十二 人物 忠義 三十一

丁代傳 魏登梅 魏希達 吳學詩

魏希卓 吳學易 魏邦銳 魏邦模

魏邦宣 魏希正 魏自天 魏自宇

魏自統 蕭學文 楊聖重 劉文德

王良學 余秀生 張一清 夏年元

吳廷善 張耀山 劉要 馬大有

周文學 陳士方 陳士珍 汪文龍

徐德美 胡全 王士高 馬廣勳

馬廣榮 艾月山 陳克仁 周家福

代世昌

吳興國

胡啟鳳

黃國太

喬博士

曾光龍

張正貴

翁長年

翁壽天

陳懷遲

呂應鳳

舒祥龍

王光華

鄭祿

席世龍

朱學志

陳大有

史允芳

劉士堯

靳洪福

徐懷明

楊士洪

劉允添

李士傳

熊澤書

賀天朝

朱廷珍

葉啟云

許文學

陳方定

葛方采

盧昌仁

常車明

蘇日春

杜美仲

杜美宣

當陽縣志

卷十二 人物

忠義

三十二

陳茂謙

楊士高

陳士鳳

袁文燦

國中臺

陳正照

陳華莫

譚開榮

李本貴

杜士亮

李興在

羅志萬

李清宜

羅興義

張豐太

石開金

謝大相

葉玷

程安邦

張向成

甘志化

甘德輝

李士剛

楊廣

張士倫

張鳳

羅祖伯

王義寬

蘇獻瑞

徐素知

嚴大義

陳正仁

陳正烈

廖朝大

劉大太

陳之仁

陳之朝 陳士宇 黃大金 黃子盛

莊夫恆 陳之國 王廷英 葉尙禮

艾景福 陳之宛 金相吉 劉人進

李成周 柯之敬 韋國瑞 蕭汝珍

童士芳 洪廷順 黃大韜 朱日偉

陳時農 彭起國 魯習正 代良棟

胡澤明 代良文 艾世法 代良卓

官起學 代良懷 鄒文學 代良壽

熊正國 代勝舉 代大惠 代聖德

當陽縣志 卷十二 人物 忠義 三十三

陳于耀 代聖傳 楊文榜 羅傳孔

李成畢 代勝臣 何日迪 羅士連

羅永文 周尙潮 胡大興 周廷樑

許連佐 嚴向順 嚴正華 周廷棟

孫學元 陳得交 張榮貴 周添才

劉思 任光彩 黃祿 任光珠

黃中信 馮元勳 鍾起榮 姚福

楊昌志 劉士才 金日聖 張榮朝

周廷現 姚時清 尹洪昇 姚時隴

周廷卜

史天經

熊國珍

史大定

周廷見

賀開文

張朝正

蔣治選

李萬潮

劉士明

趙希華

林本玉

曹煥文

胡士科

胡在文

胡才

萬文華

梅在科

嚴向升

劉文志

吳三子

葉春

袁成

高升富

周加盛

陳宗効

嚴相田

張宗義

吳文亮

王安錦

龔慶安

李潮思

梅士傳

楊位珍

馬廣才

羅天瑞

當陽縣志

卷十二

人物

忠義

三十四

僧本福

僧昌引

右二百五十名係邑人五年二月二十八日在宋

家壘陣亡

附嘉慶初年兵丁陣亡姓名

王定平 馬貴 王成 李如春

黃升 張起雲 馬應圖

右兵丁七名邑人嘉慶三年在鍾祥石牌陣亡

關啟鳳 李明敖 嚴德勝

右兵丁三名邑人嘉慶四年在羅爾坪陣亡

李如翠邑人嘉慶五年在樂鄉關陣亡

以上十一名見荆門州志

當陽縣志

卷十二 人物 忠義

又三十四

義勇附

明

張一華邑人明季流寇之亂華率鄉勇捍賊身受重創弗恤也後遇賊至以身衛其母受傷幾斃竟以母免其勇於義如此

國朝

張良恕邑鴻橋人奇偉有膽略順治初餘賊小李二等伏西山出沒無常恕四路偵探有警則登高大呼居民皆引避一鄉賴之十八年大軍入山搜剿餘

當陽縣志

卷十二 人物

忠義

三十五

孽恕詣軍門面陳形勢故得掃穴無遺邑賴以安

以上

二名舊志列忠節傳

馮埇乾溪總保正嘉慶元年二月教匪陳德本等自東湖來已據縣城遠安賊首趙之國聚其黨將應之道出乾溪埇團於鄉得二百餘人夜襲賊於竹林口殺數十賊餘賊北竄鄉勇戰沒者邑人馮錫佩楊輝國王士孔費尙義及江西人周山山石工也精武藝埇以大義激之願爲先鋒以白巾抹額如賊狀躍入賊中所向披靡賊大亂鄉勇從之遂破賊餘賊竄至

長嶺岡爲官兵所殲

邱帶兵官姓

城中賊勢孤旋就撲滅

堵與有功焉同時受傷成廢疾者有楊均世

周文榮與弟文成邑鴻橋總人貌魁梧多膂力嘉慶元年教匪已陷城四鄉團勇籌防堵會有賊黨千餘自東來扛大箱十餘具陽爲避寇者榮窺其箱中皆軍器亟與文成聚鄉男數百奪其箱殲於漳水之濱將軍舒公聞而壯之召至軍前給以頂戴使率勇攻城每戰輒先登身被火鎗彈入皮裏後成瘤卒年七十二

當陽縣志

卷十二

人物

忠義

三十六

吳江泮邑漳河總人性勇敢能擊劍嘉慶初教匪新起官軍未集會有賊千餘自東來將與城賊合所過鄉里無敢詰者泮聚少年數百伏於漳水濱賊至突出奮擊殲旃

林可依邑人嘉慶初教匪之變民間習邪教有里黨皆然者依與鄰人姚啟惠率鄉勇捕匪黨於椒樹溝滅之繼隨官軍攻城有功授以官辭不受

王朝華邑人嘉慶初教匪四起各總設卡禦之華率鄉勇邀擊流賊千餘於腰店觀無一逃者繼効力行

營以功授六品頂戴卒年八十六五世同堂孫曾以下稱蕃衍云

王可法邑人嘉慶元年教匪之變率鄉勇殲賊於梅子埡繼赴行營以功授八品銜

楊盛世原名啟波邑武生嘉慶元年教匪猖獗世捐貲與族弟大望大第率鄉勇効力行營七月克復邑城餘賊西竄世追至十餘里擒賊首劉秀石以獻總督畢公嘉其功表授守備賞藍翎繼從將軍舒公剿川陝流賊所向有功以親老告歸大望大第俱授行

當陽縣志

卷十二

人物

忠義

三十七

營千總望後補新隄把總

曹思慤邑增生嘉慶丙辰與姪肇率鄉勇攻城賊潰圍出慤逐北至四十餘里以功給六品銜後授河南通判以疾辭

佟步萬字占千邑廩生精悍有才智嘉慶初教匪方據城州牧張琴以兵駐萬家賊夜襲之爲萬所敗繼獻攻城策募壯士穴城西北隅納火器其中密與各營約七月十四夜穴中火器齊發賊踉蹌西奔兵勇逐之殲賊殆盡以功加六品銜後授鄂州州同因病

不能之官卒年五十四

傅志春邑人居胭脂總父資精武藝春尤魁偉有膂力嘉慶元年充鄉勇禦賊將軍舒公聞其勇署爲前鋒嘗巡哨猝遇賊從者皆散春挺身獨前奪賊砲手足俱傷竟以砲還營卒冒其功受重賞春無所爭人服其雅量

嚴登甲與弟登榜俱邑武生嘉慶元年同領鄉勇攻城爲士卒先及收復邑城以功授登榜藍翎千總後補均光營千總升蘄州都司以事罷歸

當陽縣志

卷十二

人物

忠義

三十八

雷啟輝邑人嘉慶元年輝率鄉勇剪除匪黨一鄉賴之後隨營攻城以功賜六品藍翎  
謝盛升邑人嘉慶初領鄉勇剿賊以功授行營千總  
子子坤鄉賓孫曾林立五世同堂衆至五十餘人  
鄧芝瓊邑人嘉慶初領鄉勇堵賊以功給七品頂戴  
孫肇基庠生

當陽縣志卷十二終